



Jesus ons Verlosser leef! Ons reik uit oor alle grense.

24 NOVEMBER 2019

GEMEENTEBULLETIN

STELLENBERG-GEMEENTE

021 976 4519 (kerkkantoor)

021 975 1044 (jeugkantoor)

021 910 3900 (feesmark)

021 976 8029 (SOS)

www.stellenberg.co.za

navrae@stellenberg.co.za

KONINKRYKSTYD

OGGENDDIENS

Wie se vrug(te)
is dit?

Lukas 18 en 19

MEDITATIEWE DIENS

AFLSUITING

Ons gaan reflekteer oor die jaar wat verby is en die mooi in ons lewens vier met gedigte, musiek en nagmaal. Kom steek 'n kers vir 2020 aan.

JEUGDIENS

Rooted

AANDDIENS

Die lewe van 'n Christen (Deel 6)
Matteus 5

DEURKOLLEKTE

Stellenberg-
medewerkers

EREDIENSTE

| | | | 24 November | | 1 Desember | |
|-------|-----------|-------------|------------------|----|----------------------|-----|
| 09:00 | Kerk | Oggenddiens | Ds. Visagie | 1 | Ds. Breytenbach | 2/9 |
| 09:00 | Kleinsaal | Gesinsdiens | Ds. Potgieter | 8 | Kerssangdiens | - |
| 09:00 | Kapel | Meditatief | Ds. Dietmann | - | Geen diens | - |
| 18:00 | Kerk | Jeugdiens | Ds. Ackerman | - | Ds. Ackerman | - |
| 19:00 | Kapel | Aanddiens | Mike v. Deventer | 12 | Ds. Breytenbach | 13 |

DIE TIENDEMAANDINSAMELING

Hartlik dankie aan lidmate wat reeds 'n bydrae tot die insameling gemaak het. Die bedrag van **R803 221** is sover ingesamel. Ons mikpunt is R1 850 000 sodat ons die 2020-begroting kan laat klop.

Neem 'n plantjie: Elke huisgesin word uitgenooi om een van die tarentaalplantjies as herinnering aan hul dankoffer te neem. Plaas jou dankoffer in enige koevert in die kollektiebord, of maak 'n elektroniese oorbetalings na NG Kerk Stellenberg, Absa-tjekrekening 145 058 0011, takkode 632005, gebruik *tiendemaand* as verwysing.

UITNODIGING NA DIE KERSSANGDIENS

Ons nooi alle lidmate en gesinne om op Sondag 1 Desember om 09:00 by ons Kerssangdiens in die kerk aan te sluit. Dit gaan 'n besondere feesgeleentheid ter viering van ons eiesoortige Somerkersfees wees. Na die diens sal tee, koffie en verversings bedien word. Daar sal ook 'n verrassing vir kinders by die Annibrand Juniorgroepe wees.

JEUGDAGBOEK

- ANNIBRAND JUNIOR (graad 1 tot 6): 09:20 tot 10:20.
- ANNIBRAND SENIOR (graad 7 tot 11): Na die jeugdiens, 19:00 tot 19:30.
- ANNIBRAND JUNIOR: Afsluiting op 1 Des. om 10:00.
- ANNIBRAND SENIOR: Afsluiting op 1 Des. om 19:00.
- RELEVANT: Dis vir jong volwassenes. Ons luister 15 min. lank na 'n aanbieding en gesels dan saam oor die onderwerp. Sien jou Woensdagaand 18:30 in die markplein.

JOU KIND EN DIE INTERNET

Kom luister vanoggend om 10:00 (na die erediens) in die kleinsaal na die advies wat Nadine Blom vir ouers het rakende veilige internetgebruik vir kinders. Sy het onlangs haar meestersgraad in o.a. die veld van kuberveiligheid gedoen.

Geen besprekings nodig nie en toegang is gratis.

PLANTETAfel

Die laaste plantetafel van die jaar word op Sondag 1 Desember om 10:00 aangebied. Onthou, plante is uitstekende Kersgeskenke. Neem 'n plant in ruil vir 'n donasie.

GEMEENTEBRAAI

Alle lidmate word uitgenooi na die laaste gemeentebraai van 2019 op Vrydag 29 November in die markplein. Bring asb. jou eie vleis, slaai, drinkgoed, eetgerei en glase. Die kole sal vanaf 19:00 gereed wees. Dis 'n lekker saamkuier om die jaar mee af te sluit.

EREDIENSWERKERS

Ons het dringend eredienswerkers vir 2020 by ons oggend- en gesinsdienste nodig. Jy sal ongeveer een keer per maand 'n diensbeurt behartig. Kontak asb. vir Odette by odette@stellenberg.co.za/021 976 4519 indien jy jou hulp wil aanbied.

KATEGESE

KLEINGROEPE

Graad 1: Ou kafeteria

Graad 2 en 3: Jeuglokaal

Graad 4, 5 en 6: Grootaal

Graad 7: Komiteekamer

Graad 8: Grootaal

Graad 9: Ou kafeteria

Graad 10: Kleinsaal

Graad 11: Kerk

GEMEENTENUUS

Stuur 'n e-pos na sanel@stellenberg.co.za om die Bulletin, Samari-taan en Stellenberger per e-pos te ontvang, of *WhatsApp* jou naam en selfoonnommer na Sanèl by 083 611 4720 om die bulletin op jou selfoon te ontvang.

BREIGROEP

Ons ontmoet op 2 Desember om 10:00 vir ontbyt.

Kontak vir Ria McMicken by 083 519 0602 vir verdere besonderhede.

Die breigroep benodig steeds wolskenkings. Afvalwol is ook welkom.

KOEKIES EN KASIES VIR KERSFEES

Baie dankie vir die bydraes van wigkasies en *Toppers*-koekies wat reeds ontvang is, maar nog bydraes vir Ruyterwacht Senior Sentrum se Kerspakkies aan minderbevoorregte bejaardes, is steeds baie welkom. Gee asb. bydraes voor 25 Nov. by die kerkkantoor af. Kontantbydraes kan per EFT oorbetal word na ABSA-tjekrekening 145 058 0011, takkode 632005, gebruik asb. *KASIES* as verwysing.

KERSETE VIR KLIPHEUWEL

Ons wil graag 'n Kerse te vir die inwoners van die informele nedersetting in Klipheuwel aanbied. Ons beoog om die ete aan 300 mense te bedien. Indien jy bereid is om te help met die bediening van die ete op Kersdag, 'n donasie wil maak, of met die voorbereiding van die ete behulpsaam kan wees, kontak asb. vir Schalk Burger 079 577 8268/schalk@shiloh.org.za.

BYBELS VIR KHAYELITSHA

Dankie vir die bydraes wat reeds ontvang is. Daar is reeds sowat 150 Bybels wat versprei sal word, aangeskaf. Ons mikpunt is om 500 Bybels voor die einde van die jaar in te samel. Bydraes vir die projek kan elektronies oorbetal word na NG Kerk Stellenberg, ABSA-tjekrekening 145 058 0011, takkode 632005. Gebruik asb. *Khayelitsha Bybels* as verwysing. Kontantbydraes kan by die kerkkantoor inbetaal word.

VOSBURG-KAROOKUIER FINALE SYFERS

Ons is opreg dankbaar dat ons na afloop van die Vosburg Karookuier R377 000 aan NG Kerk Vosburg kon skenk. Nadat alle uitgawes van die fondsinsamelingsgeleentheid gedelg is, is dié mooi bedrag aan die Vosburg-gemeente oorbetal. Groot dank aan ons lidmate wat die Vosburg-Karookuier en indirek ook die gemeenskap van Vosburg, jaarliks ondersteun. Ons is almal deeglik bewus van die moeilike omstandighede waarin boere hulle tans bevind en wil ook vra dat lidmate gereeld voorbidding vir die gemeenskap sal doen.

EDELWEISS

HUISBYEENKOMS

Sondag 24 Nov om 18:00.

Lukas 3:1-18: 'n Nuwe pad en 'n nuwe leefwyse.

GEBEDSGROEPE

- Vrouegebedsgroep
Maandagoggende om 09:15 in die kapel.
- Asemskep-gebedsgroep
Dinsdagaande om 18:30 in die kapel.
- Mannegebedsgroep
Donderdagoggende om 06:00 in die kafeteria.

DANKIE SÊ VIR VRYWILLIGERS

Ons wil graag alle vrywillige helpers wat ons deur die loop van die jaar bygestaan het, uitnooi na 'n geselligheid op Vrydag 29 November om 10:00 in die markplein. Teken asb. die datum in jou dagboek aan.

KOSPROJEK IS IN DIE KNYP

In November word bydraes vir Nov. en Des. ingesamel. Die kospakkies vir die twee maande word op 26 Nov. verpak. Die kosprojek lewer tans voedselhulp aan 20 gesinne in die omgewing en ondersteun ook gesinne wat deur BADISA en die Ruyterwacht Senior Sentrum bygestaan word. Weens die nypende tekort aan bydraes moes die gesinne wat voedselhulp ontvang, die afgelope twee maande met 10 verminder word.

INKOPIELYS VIR DIE KOSPROJEK

Ons doen 'n beroep op lidmate om niebederfbare produkte vir die twee maande te skenk, of kontantbydraes per EFT na ABSA-tjekrekening 145 058 0011, takkode 632005, verwysing KOSPROJEK oor te betaal. Die kospakkies word aan gesinne in die omgewing, wat finansiële nood beleef, voorsien.

Meel en pap:

- Bruismeel
- Hawermout
- Mieliemeel
- Weetbix

Ander:

- Macaroni
- Spaghetti
- Sopmengsel
- Soppoeier
- Rys
- Koffie
- Tee
- Suiker
- Langlewemelk
- Olie
- Konfyt en Grondboontjebotter

Blikkies:

- Suikermielies
- *Baked beans*
- Weense worsies
- Soja maaltjies
- *Bully beef*
- Groente
- Vis

Toiletware:

- Toiletpapier
- Sunlightseep (koekie)
- Badseep
- Tandepasta

STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. Daar is kliniese sielkundiges, mediators, spraak- en arbeidsterapeute, asook 'n musiekterapeut beskikbaar.

Afsprake kan tussen 09:00 en 12:00 by 021 976 8029 gemaak word, of skakel die sentrumbestuurder Rudolph van Schoor by 082 854 4530.

STELLENBERG-GEMEENTE

SNAPSCANKODE

